

Uspostavljen prvi interaktivni web portal za dijasporu iz Bosne i Hercegovine

Obavještavamo vas da je od 26.februara 2018. godine pušten u rad prvi interaktivni web portal za dijasporu www.dijaspora.mhrr.gov.ba u vlasništvu Ministarstva za ljudska prava i izbjeglice BiH.

Primarni cilj ovog portala je da se uspostavi dvosmjerna komunikacija između države Bosne i Hercegovine i dijaspore. Ovaj portal proizašao je iz ideje dijaspore da se napravi web portal koji bi bio zajednička tačka komunikacije.

Portal će pružiti bh. dijaspori pored vijesti, dokumenata, informacija o projektima i mogućnost da iznesu svoje ideje, svoje projekte i da na taj način učestvuju u kreiranju javne politike u Bosni i Hercegovini, a posebno određenih politika koje su značajne za iseljništvo i ekonomski razvoj Bosne i Hercegovine.

Ovakva jedna platforma omogućava nesmetanu komunikaciju između dijaspore i Bosne i Hercegovine, gdje će predstavnici dijaspore imati mogućnost da podijele iskustva stečena u inostranstvu, ideje, aktivnosti i znanje u svojim područjima ekspertize i promovišu inicijative iz dijaspore za razvoj BiH.

Između ostalog, na portalu će biti dostupan i objedinjen adresar institucija u BiH kao i diplomatsko-konzularnih predstavništava zemlje u svijetu, te registar organizacija bosansko-hercegovačkog iseljništva.

Posredstvom portala bit će osigurano učešće iseljenika u kreiranju javnih politika u nadležnosti Ministarstva i drugih institucija te će biti objavljivane informacije o poslovnim prilikama kao i javni pozivi sa informacijama o mogućnosti finansiranja projekata ili apliciranja za grant sredstava.

Pozivamo sve zainteresovane da se registruju na portalu u cilju razmjene informacija između dijaspore i BiH i jačanja međusobne saradnje.

